



ANsonarich ob plurimas corporis & animi uirtutes, Saxonum princeps electus fuit, Anno mūdi termillesimo noningentesimo. Hic cum intellexisset magnum hominum numerum ex Belgis in Italiam cum Cymbris profectos esse, atque maiori ex parte ibidem interiisse, ipse suos cohortatus, ingenti exercitu Galliam Belgicam inuasit. Eo tempore Belgarū dux Leo præsidebat. Is cum Saxonibus & Sueuis congressus, occubuit. Itaque Gotfridus eius frater bellum renouauit. Verūm Ansonarich uirtute superatus ac in fugam coniectus fuit. Postea Germani ulterius proficiscentes, Valentiaē hostem depræhendunt, atq; arcem munitissimam expugnant.

hoc modo factum ut Lotharingia & Brabantia cum finitimis regionibus Ansonarich tributariae effectae fuerint. Verūm eadem postea Iulij Cæsaris hortatu ab eo deffecerunt. Albertus Crantz in Saxonia libro 1. cap. 24.